



Broj: 01-49-295/17-3  
Datum: 28.4.2017. godine

Na osnovu člana 69. stav 2. tačka a. i člana 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), načelnik Općine Travnik, **donosi**

## **RJEŠENJE** **o poništenju postupka javne nabavke**

### Član 1.

Poništava se postupak javne nabavke roba - „Nabavka i isporuka telekomunikacijskih uređaja za OŠCZ“ iz razloga što nije dostavljena nijedna ponuda u određenom krajnjem roku.

### Član 2.

Za izvršenje ovog Rješenja zadužuje se Služba za civilnu zaštitu.

### Član 4.

Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

### Član 5.

Ovo Rješenje stupa na snagu danom donošenja.

## **O b r a z l o ž e n j e**

Postupak javne nabavke roba – „Nabavka i isporuka telekomunikacijskih uređaja za OŠCZ“, proveden je putem konkurentskog zahtjeva za dostavljanje ponuda broj: 01-49-295/17-1 od 6.4.2017. godine. Procijenjena vrijednost nabavke iznosi 10.683,76 KM bez PDV-a.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-7-1-43-3-19/17 od 10.4.2017. godine.

Sa Informacionog sistema „E – nabavke“ Agencije za javne nabavke BiH tendersku dokumentaciju su preuzeli sljedeći ponuđači: „Infostrim“ d.o.o, „BBS Europe“ d.o.o., „Ekapija“ d.o.o., „Fire Trade“ d.o.o, „Dasto Semtel“ d.o.o., MIBO Komunikacije d.o.o., TelNet d.o.o. Sarajevo, Javno preuzeće „Hrvatske telekomunikacije“ d.d., Dioničarsko društvo „BH Telecom“ Sarajevo – Direkcija Travnik i d.o.o. Centronix

Poziv za preuzimanje tenderske dokumentacije upućen je sljedećim privrednim subjektima: „Digital City“ d.o.o. sarajevo, „Univerzalno“ d.o.o. Sarajevo, „BH Telecom“ d.d.

Sarajevo, „JP HT”. D.d. Mostar, „Imtec” d.o.o. Sarajevo, „ProComp” d.o.o. Zenica i „ekupi” d.o.o. Vitez

Rok za dostavljanje ponuda u skladu sa tenderskom dokumentacijom broj: 01-49-295/17-1 od 6.4.2017. godine je bio 24.4.2017. godine.

Komisija za javnu nabavku imenovana je Rješenjem broj: 01-34-16-1032/16 od 16.12.2016. godine te je shodno Članu 63. Zakona o javnim nabavkama BiH („Službeni glasnik BiH” broj 39/14) pristupila javnom otvaranju u predviđeneom terminu, te konstatovala kako nije zaprimljena ni jedna ponuda u predmetnom postupku.

S tim u vezi, Komisija je, imajući u vidu član 69. stav (2) tačka a) Zakona o javnim nabavkama („Službeni glasnik BiH”, broj 39/14), preporučila ugovornom organu poništenje postupka.

U postupku ocjene provedenog postupka, načelnik Općine nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. Stav (2) tačka a) Zakona o javnim nabavkama BiH, odlučeno je kao u dispozitivu ovog Rješenja.

#### POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

#### DOSTAVITI:

1. Služba za CZ  
Danijel Torlić, kontakt osoba za predmetnu nabavku x 1
2. Arhiva.

